

T 4678/2914

35

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938

大明集禮卷四十五

鹵簿

總叙

鹵簿之制兆於秦而其名則始於漢。或曰鹵者大盾也。以大盾領一部之人。故曰鹵部。或曰凡兵衛以甲盾居外為導從。捍蔽其先後。皆著之簿籍。故曰鹵簿。按三輔黃圖。天子出車駕次第謂之鹵簿。而唐制四品以上皆給鹵簿。則鹵簿者君臣皆得通稱也。五代之亂。圖典失墜。宋王

大明集禮 卷四十五
欽若為鹵簿記。宋綬蔡攸等因之。而其制始詳。
元曾巽申復為鹵簿圖。雖間有增損。而俱無大異。

國朝嘗詔禮官。鹵簿彌文。務從省節。蓋尚質去奢之意也。今考秦漢以來制度為鹵簿篇。

國朝儀物則備著于圖云。

秦

古者諸侯貳車九乘。**秦**滅九國。兼其車服。故大駕屬車八十一乘。法駕半之。左右分行。其車皆

皂蓋赤裏。木輻輳。戈矛弩箠。尚書御史所載。最
後一乘懸豹尾。豹尾以前為省中。

漢

天子出。車駕次第謂之鹵簿。有大駕。法駕。小駕。
大駕。公卿奉引。大將軍駮乘。太僕御。屬車八十
一乘。作三行。備千乘萬騎。祀天則備之。法駕。京
兆尹奉引。侍中駮乘。奉車郎御。屬車三十六乘。
小駕。比法駕減半。

東漢

大駕公卿奉引屬車八十一乘。希用法駕。江南尹執金吾。洛陽令奉引。侍中駉乘。奉車郎御屬車三十六乘。前驅九旂。雲罕。鳳凰鬪戟。皮軒鸞旗。後有金鉦。黃鉞。黃門鼓車。祠天用之。小駕。比法駕減半。祠宗廟用之。每出。並太僕奉駕上鹵簿。中常侍。小黃門。副尚書。主者郎。令史。副侍御史。蘭臺令史。副皆執注以督整車騎。謂之護駕。

後魏

大駕設五輅。建太常。屬車八十一乘。平城令代尹司隸校尉丞相奉引。太尉陪乘。太僕卿從。輕車介士。千乘萬騎。魚麗鴈行。前驅皮軒。鬪戟。芝蓋。雲罕。指南。後殿。豹尾。鳴笳。唱止。不作鼓吹。軍戎大祠則設之。法駕車三十六乘。平城令代尹太尉奉引。侍中陪乘。奉車都尉御。巡狩小祠則設之。小駕屬車十二乘。平城令太尉奉引。常侍陪乘。奉車郎御。游宴離宮則設之。後又改大駕魚麗鴈行。更為方陳鹵簿。列步騎。內外為四重。

列標建旌。更門四達。五色車旌各處其方。諸王導從在鈔騎內。公在幢內。侯在步稍內。子在刀盾內。五品朝臣在乘輿前兩箱。官卑者先列。王公侯子車旆麾蓋信幡。及散官禡服。一皆純黑。

唐

大駕鹵簿導駕六引。先萬年縣令。次京兆牧。次太常卿。次司徒。次御史大夫。次兵部尚書。並正道威儀。各乘輅。其鹵簿各依本品給之。次清游隊。白澤旗二分。左右各一人執。二人引。二人夾

金吾折衝二人。各領四十騎。戎服分左右。次金吾大將軍二人。分左右。各二人執。襍稍騎從。檢校龍旗以前。次金吾果毅二人。領虞候。仗飛四十八騎。夾道單行。分左右。引導黃麾仗。次外鐵甲。仗飛二十四騎。並行。分左右。廂各六重。導引步甲隊。次朱雀旗。一騎執。二騎引。二騎夾。金吾折衝都尉一人。領四十人。執橫刀。稍弩。弓箭騎從。次龍旗十二。各一騎執。並戎服。被大袍。橫行正道。每一旗前二人騎。為二重引前。每旗後亦

大明集禮 卷四十五
二人護後。副竿二分。左右。又金吾果毅二人騎領。次指南車。次記里鼓車。次白鷺旗車。次辟惡車。次皮軒車。並駕四馬。駕士各十四人。匠一人。次引駕十二重。重二人。並行正道。騎帶橫刀。自皮軒車後。均布至細仗前。弓箭相間。金吾果毅一人檢校。次鼓吹。令二人。次柷鼓十二面。金鈺十二面。次大鼓百二十面。次長鳴百二十具。次鐃鼓十二面。歌簫笳各二十四。次橫吹百二十具。節鼓二面。笛簫篳篥笳桃皮篳篥各二十四。次

柷鼓十二面。金鈺十二面。次小鼓百二十面。次中鳴百二十具。次羽葆鼓十二面。歌簫笳各二十四。自前柷鼓以下。工人皆有副。並騎分左右橫行。每鼓皆二人夾。每隊皆有主帥五人。以統領。次殿中侍御史二人。次黃麾一人。執二人。騎夾。次太史令一人。次相風輦。輦士八人。次柷鼓。金鈺各一。司辰一人。典事一人。刻漏生四人。分左右。次行漏輿。行正道。匠一人。輦士四十人。次鈇戟前隊。左右武衛果毅各一人。騎。騎分左右。

次天色繡幡一。次金節十二。次罕畢各一。左罕。右畢。次朱雀幢一。次左青龍幢。右白虎幢各一。次導蓋一。又次稱長一。次鈇戟各百四十四。分左右。次左右衛將軍各一。次御馬二十四疋。分左右。次尚乘奉御二人。分左右。次左青龍旗。右白虎旗各一。左右衛果毅各一人。各領三十五人。騎分左右。次通事舍人八人。騎分左右。次侍御史二人。次御史二人。次御史中丞二人。次御史二人。次拾遺二人。次補闕二人。並騎分左右。

次起居郎一人在左。次起居舍人一人在右。次諫議大夫二人在右。次給事二人在左。次黃門侍郎二人在左。次中書侍郎二人在右。次左散騎常侍二人在左。次右散騎常侍二人在右。次侍中二人在左。次中書令二人在右。自通事舍人以下皆一人步從。次香燈一。次左右衛將軍各一人。分左右。次班劍儀刀左右廂各十二行。次左右衛郎將各一人。領散手翊衛三十人。橫刀。騎在副仗稍翊衛內。次左右驍衛郎將各一。

人各領翊衛二十八人。甲騎具裝執副仗稍在散手外。均布曲折至後門。次左右衛供奉中郎將四人。領親勳翊衛四十八人。帶橫刀。騎分左右。在三衛仗內。次玉輅。青質玉飾。駕青駟六。祭祀納后則乘之。大僕卿御。駕士四十一人。千牛將軍一人陪乘。次左右衛大將軍各一人。夾玉輅。次千牛將軍一人。中郎將二人。分左右。次千牛備身。分左右。騎在玉輅後。次御馬二疋。次左右監門校尉各一人。在後門內檢校。次牙門旗

二人執。四人夾。次左右監門校尉各十二人。騎監當後門十二行。仗頭各一人。次左右驍衛翊衛各三隊。每隊三十五人。並帶稍弩箭橫刀。相間前第一隊。各大將軍領。執鳳旗。第二隊。各將軍一人領。執飛黃旗。第三隊。各郎將一人領。執吉利旗。次左右衛夾轂廂各六隊。隊三十人。每隊各折衝一人。果毅一人。檢校。次大繖二。在牙門後。次孔雀扇各四。分左右。次腰輦一。次小團扇四。次方扇十二。次花蓋。次大輦一。尚輦奉御

二人。殿中少監一人。騎從。次諸司侍奉官二人。分左右。次御馬二十四疋。分左右。次尚乘直長二人。分左右。次大繖二。孔雀扇八。夾繖。次小扇十二。次朱畫團扇十二。次花蓋。次睥睨十二。次玄武幢一。次絳麾二。次細稍十二。次後黃麾一。次殿中侍御史二人。騎分左右。次大角百二十具。以金吾果毅一人領。橫行十重。次後部鼓吹。羽葆鼓十二面。工人十二。歌簫笳各工人二十四。次鐃鼓十二面。工人各十二。歌簫笳各工人

二十四。次小橫吹百二十具。工人百二十。笛簫篳篥笳桃皮篳篥各工人二十四。次芳亭輦一。主輦二百人。次小輦一。主輦六十人。次小輦一。奉輦十二人。次尚輦直長二人。分左右。次左右武衛五牛旗輦五。黃牛旗處內。赤青在右。白黑在左。各八人執。左右威衛隊正各一人。檢校。次乘黃令一人。丞二人。騎分左右。檢校。玉輅等。次金輅。赤質。以金飾。駕赤駟六。鄉射凱還。飲至。則乘之。次象輅。黃質。以象飾。駕黃駟六。行道則供

之。次革輅。白質。靽以革。巡狩臨兵事則乘之。次木輅。黑質。各駕士三十二人。次五副輅。各駕四馬。駕士各二十八人。次耕根車。青質。蓋三重。駕六馬。耕籍則乘之。駕士三十二人。次安車。金飾。駕四馬。臨幸則乘之。次四望車。金飾。駕四馬。拜陵臨幸則乘之。駕士各二十四人。次羊車。駕果下馬二。小吏十四人。次屬車十二。駕牛。駕士各八人。次門下中書省秘書省殿中等局官各一人。並騎分左右。次黃鉞車。駕二馬。駕士十二人。

次左右威衛折衝都尉各一人。領掩後二百人。各執大戟。刀楯。弓箭及弩。各五十人為一行。並橫行。次左右領軍將軍各一人。各二人執襍稍步從。次前後左右廂步甲隊四十八隊。前後各二十四隊。並鑿鎧。弓刀楯。五色相間。隊引各三十八人。次左右廂黃麾仗。廂各十二部。部各十二行。並執弓刀戟楯。及孔雀氅。鵝毛氅。雞毛氅等。行列十人。左右領軍黃麾仗。廂各五色綉幡二十口。十口引前。十口掩後。廂各獨揭鼓十二

重。每重二人在黃麾仗外。次左右衛將軍各一人。驍騎武衛威衛領軍衛大將軍各一人。同檢校黃麾仗。次及仗。左右廂各十八人。廂別二百五十人。執爻二百五十人。執义。每爻一义。一相間。次諸衛馬隊。左右廂各二十四隊。從十二旗隊。每隊皆折衝果毅一人。檢校前第一隊。辟邪旗。第二隊。應龍旗。第三隊。玉馬旗。第四隊。三角獸旗。第五隊。黃龍負圖旗。第六隊。黃鹿旗。第七隊。飛麟旗。第八隊。馱馱旗。第九隊。鸞旗。第十隊。

鳳旗。第十一隊。飛黃旗。第十二隊。麒麟旗。第十三隊。角端旗。第十四隊。赤熊旗。次後第十五隊。兕旗。第十六隊。太平旗。第十七隊。犀牛旗。第十八隊。鷄鷄旗。第十九隊。騶駟旗。第二十隊。騶牙旗。第二十一隊。蒼烏旗。第二十二隊。白狼旗。第二十三隊。龍馬旗。第二十四隊。金牛旗。次玄武隊。玄武旗。一人執。二人引。二人夾。金吾折衝一人。領五十騎。分執稍弩。次玄武隊前大戟隊。後當正道。執及仗。行內置牙門旗一。二人執。四人

夾騎分左右。次牙門旗左右廂各開五門。門二人執四人夾。並騎分左右。第一門在左右威衛黑質步甲隊後。白質步甲隊前。第二門在左右步甲隊後。左右領軍黃麾仗前。第三門在左右領軍黃麾仗後。左右驍衛黃麾仗前。第四門在左右武衛白質步甲隊後。黑質步甲隊前。第五門在游以下。諸衛將軍並平巾幘紫襖襠大口袴錦滕蛇金隱起帶弓箭橫刀。中郎將折衝果毅皆滕蛇金隱起帶弓箭橫刀。中郎將折衝果毅皆

平巾幘。緋襖襠大口袴。錦滕蛇。銀梁金隱起。橫刀弓箭。倂飛執旗人引駕三行。並武弁。緋襖襠大口袴。供奉並武弁朱衣。各一人步從。餘文武官及導駕官並朱衣冠履。依品服。其工人駕官並絳衣。平巾幘。餘並戎服。法駕減大駕。太常卿司徒。兵部尚書。白鷺車。辟惡車。大輦。五副輅。安車。四望車。屬車減四。其清游隊持鈇隊玄武隊皆四分減一。諸隊鼓吹三分減一。餘同大駕。縣令以後。御史大夫以前威儀亦三分減一。小駕

又減法駕御史大夫。指南車。記里鼓車。鸞旗車。皮軒車。象輅。革輅。木輅。耕根車。羊車。黃鉞車。豹尾車。屬車。小輦。小輦。諸隊仗及鼓吹各減大駕之半。餘同法駕。縣令州牧威儀減半。其新製則有莖文旗。雲旗。刀旗。四神幢。長壽幢。及左右千牛將軍衣。瑞牛文。左右衛瑞馬文。左右驍衛大虫文。左右武衛瑞鷹文。左右威衛豹文。左右領軍白澤文。左右金吾辟邪文。左右監門獅子文。將軍中郎將皆同。

宋

大駕鹵簿。象六。分左右。次六引。開封令。開封牧。大司樂。少傅。御史大夫。兵部尚書。各用本部鹵簿。次金吾。纛稍。左右皂纛。各六。執托各一人。新四人。押衙四人。並騎。襍稍八。執各一人。本衛上將軍各四人。本衛大將軍二人。並騎。襍稍四。夾大將軍。執各一人。夾二人。並騎。法駕。襍稍減二人。本衛上將軍各次朱雀旗隊。並騎。金吾衛折衝都尉一人。減二人。引隊。襍稍二。夾都尉。執旗一人。引夾各二人。仗。

內引執此弩四。弓矢十六。稍二十。左右金吾衛

果毅都尉二人押隊。法駕弩減二。弓矢減六。稍減八。次龍旗隊。

大將軍一負檢校引旗十二人。並騎風伯雨師。

雷公電母旗各一。五星旗五。左右攝提旗二。北

斗旗一。護旗十二人。副竿二。執人並騎。法駕引旗護旗

人略次指南記里鼓車各一。駕馬各四。駕士各

三十人。白鷺鷥旗宗德皮軒車各一。駕士各十

八人。法駕無白鷺宗德車次金吾引駕騎本衛果毅都尉

二人。儀刀弩弓矢稍各八。法駕儀刀弩弓矢稍各減二。次大

晟府前部鼓吹令二人。府吏二人。管押指揮使

二人。柶鼓金鉦各十二。帥兵官八人。領大鼓一

百二十。帥兵官二十人。領長鳴一百二十。帥兵

官六人。領鏡鼓十二。帥兵官四人。領歌工拱辰

管簫笳各二十四。大橫吹一百二十。帥兵官十

人。領節鼓二。笛簫各二十四。柶鼓金鉦各十二。

帥兵官四人。領小鼓中鳴各一百二十。帥兵官

八人。領羽葆鼓十二。帥兵官四人。領歌工拱辰

管簫笳各二十四。法駕前鼓減四十。長鳴減四十。鏡

鼓減四。拱辰管後。簫。箏。箏。挑。皮。箏。大。橫。吹。減。四。十。
節。鼓。後。笛。簫。箏。箏。挑。皮。箏。大。橫。吹。減。四。十。
鳴。各。減。四。十。
羽。葆。鼓。減。四。十。最。後。八。人。
次。太。史。相。風。行。

漏等輿。太史令及令史各一人。並騎。相風鳥輿。

一。輿士四人。交龍鉦鼓各一。輿士各六人。司辰。

典士各一人。並騎。漏刻生四人。鼓樓鍾樓行漏。

輿各一。輿士各一百人。太史正一人。清道二人。

十二神輿一。輿士十四人。法。駕。行。漏。輿。一。輿。士。減。四。十。人。神。輿。一。輿。

士。多。大。次。持。級。前。隊。左右武衛果毅都尉二人。

引隊左右武衛校尉二人。絳引幡一。紵二人。左。

右有金節十二。執人並騎。罕畢各一。朱雀幢及

道。蓋青龍白虎幢各一。义三。執人並騎。稱長一

人。鈹戟二百八十人。左右武衛將軍二人。檢校。

左右武衛校尉四人。押隊。法。駕。金。節。減。四。十。鈹。戟。減。七。十。次黃

麾幡一。執一人。騎紵二人。法。駕。前。有。鈹。中。侍。御。史。二。員。次六軍

儀仗。左右神武軍。左右羽林軍。左右龍武軍。各

有統軍二員。都頭二員。羽林又有節級二人。押

仗。本軍旗各一。排闌旗各二十。吏兵力士旗各

五。掩尾天馬旗二。羽林有赤豹黃熊旗。龍武有

龍武龍君虎君旗各一。白椅槍五十。哥舒捧十。

燈杖八。法駕神武軍各減四。吏兵力士旗十。羽林龍次引

駕旗一。天王旗二。排仗通直官二人。押旗十二

辰旗各一。法駕同。次龍墀旗。天下太平旗一。排仗

大將二人。夾騎。五方龍旗各一。金鸞金鳳旗各

一。獅子旗二。君王萬歲旗一。日月旗各一。法駕減鸞

鳳師子旗。次御馬二十四。控馬每疋天武二人。御馬

直二人。為十二重。法駕減八重。次中道隊。大將軍

一。負檢校。法駕同。次日月合璧旗一。芭文旗二。五

星連珠旗一。祥雲旗二。長壽幢一。次金吾細仗

青龍白虎旗各一。五岳神旗。五方神旗。五方龍

旗。五方鳳旗各五。以上執各一人。紵各三人。法駕

五方龍旗各減二。鳳次八寶。鎮國神寶。皇帝之寶。皇帝

行寶。皇帝信寶。在左。受命寶。天子之寶。天子行

寶。天子信寶。在右。為四重。香案八。各以二列於

寶輿之前。碧欄三十四人。符寶郎行於碧欄之

間。法駕減碧欄八人。次方纛二。大雉尾扇四夾。執纛扇各一人。

以下。次金吾四色官六人。押仗二人。法駕減次

准此。

金甲二人。次太僕寺進馬四人。並騎。次引駕千
 牛衛上將軍一。負千牛一人。中郎將二人。並騎。
 珂馬千牛二人。並騎。次長史二人。並騎。次金吾
 引駕官四人。並騎。次導駕官。執政以上從六人。
 待制諫議防禦使以上五人。監察御史諸衛將
 軍以上四人。次繖扇輿輦大繖二。中雉尾扇四
 夾。腰輿一。小雉尾扇四。夾。應奉人負一名。十將
 或將虞候節級二人。長行十六人。排列官二人。
 中雉尾扇十二。華蓋二。執各二人。香鑪一。執擊

八人。小輿一。應奉人二十四人。逍遙子一。應奉
 人。十將。將虞候節級共九人。長行二十六人。平
 輦一。應奉人負七人。法駕。排列官後。中雉尾扇減四。次駕前東
 第五班。開道旗一。皂纛十二。引駕六十二人。鈞
 容直三百人。引駕。回作樂。五方色龍旗五。門旗四十。
 御龍四直步執門旗六十。天武駕頭下一十二
 人。茶酒班執從物一十一人。御龍仗劍六人。天
 武把行門八人。廩旗一。殿前班擊鞭一十人。簇
 輦龍旗八。日月麟鳳旗四。赤青白黑龍旗各一。

御龍直四十人。踏路馬二。夾輅。大將軍二人。進輅職掌二。負部押二人。教馬官二。負法駕同皇帝乘玉輅。駕青馬。駕士一百二十八人。扶鸞八人。骨朶直一百三十四人。行門三十五人。分左右陪乘將軍二。負法駕同。次奉宸隊。御龍直。左廂骨朶直。右廂弓箭直。弩直。御龍四直。並以逐班直。所管人數列為五重。天武骨朶大劍三百一十人。次駕後。東第五班。大黃旗一。鈞容直三十一人。扇篋下天武二十人。茶酒班。簇輦三十一人。

拈箭班三十三人。法駕同。次副玉輅一。駕青馬六。駕士四十人。法駕無。次大輦一。掌輦四人。應奉人負十二人。十將將虞候節級共一十人。長行三百五十五人。尚輦奉御二人。殿中少監供奉職官二。負令史四人。書令史四人。法駕同。次太僕卿御馬二十四。為十二重。法駕為八重減八重。次持級後隊。左右武衛旅師二人。法駕同。次重輪旗二。大繖二。大雉尾扇四。小雉尾扇。朱團扇。各十二。華蓋二。义二。睥睨十二。御刀六。真武幢一。絳麾二。义一。

細稍十二。法駕。小雉尾扇朱團。驍稍。各減四。華蓋一。御刀減二。次左右

金吾衛果毅都尉二人。並騎總領大角一百二

十。法駕減四十。次大晟府後部。鼓吹丞二人。典事四

人。管轄指揮使一人。羽葆鼓十二。帥兵官四人。

領歌工拱辰管簫笳各二十四。帥兵官二人。領

鏡鼓十二。帥兵官四人。領歌工簫笳各二十四。

橫吹一百二十。帥兵官八人。領笛簫篳篥笳桃

皮篳篥各二十四。法駕。羽葆鼓減四。簫笳笛篳

小橫吹減四十。帥兵官並減二人。次黃麾一。執紼人數同前部。

法駕亦同。有殿中侍御史二。負在黃麾前。次芳亭輦一。奉輦六十人。

鳳輦一。奉輦五十人。次金象革木四輅。各有副

輅。金輅踏路赤馬二。正副各駕赤馬六。駕士六

十人。餘輅正副駕馬數同。而色異。象輅以赭白

革路以駟木路以黑。駕士各四十人。法駕前耕

根車一。駕青馬六。駕士四十人。法駕同。進賢車一。

駕士二十四人。明遠車一。駕士四人。法駕同。次屬

車十二乘。每乘駕牛三。駕士十人。法駕減四乘。次門

下中書祕書殿中。四省局官負各二負。法駕同。次

黃鉞車豹尾車各一。各駕赤馬二。駕士十五人。

法駕除進賢明遠車外並同。次掩後隊。左右威衛折衝都尉

二人。領隊大戟刀盾弓矢稍各五十。法駕各減十六。次

金武隊。金吾衛折衝都尉一名。裸稍二。僊童旗

一。騰蛇神龜旗各一。稍二十五。弓矢二十。弩五。

法駕稍減六。弓矢減一。大駕外仗清游隊。次第六引外仗。

白澤旗二。左右金吾衛折衝都尉二人。弩八。弓

矢三十二。稍四十。法駕次第三引外。弩減一。稍減一。次左

右金吾各十六騎。帥兵官二人。弩八。弓矢稍各

十二。法駕金吾騎及矢稍各減四。次伙飛隊。左右金吾衛果

毅都尉二人分領。並騎虞候伙飛四十八人。並

騎鐵甲伙飛二十四人。並甲騎。法駕前減十八人。其後亦減八

人。次前隊。仗左右領軍衛將軍二人。檢校。並

騎。裸稍四。仗又分五隊。第一。一百六十人。第二。

八十人。第三。一百人。第四。第五。各八十人。逐隊

有帥兵官。左右領軍衛。左右威衛。左右武衛。左

右驍衛。左右衛各四人。法駕又第一隊減六十。第二第三各減三十。

第四第五各減二十。次後隊。仗又分五隊。第一。第二。

八十人第三。一百人第四。八十人第五。一百六

十人師兵官左右衛左右驍衛左右武衛左右

威衛左右領軍各四人凡前後隊及仗前接中

道北斗旗後盡鹵簿後隊法駕及義第一第二

第四各減三十次前部馬隊凡十二皆以都尉

第五減六十二人分領第一前左右金吾衛折衝領角亢牛

宿旗四弩十弓矢二十稍四十第二氐房女虛

宿旗四第三心危宿旗第四尾室宿旗各二以

上四隊各以左右領軍衛果毅領第五箕壁宿

旗第六奎井宿旗各二各以左右威衛折衝領

第七婁鬼宿旗第八胃柳宿旗第九昂星宿旗

各二各以左右武衛果毅領第十畢張宿旗第

十一觜翼宿旗第十二參軫宿旗各二各以左

右驍衛折衝領弩弓矢稍人數同第一隊法駕

十八宿旗為十隊逐隊弩次步甲前隊凡十二

減四弓矢減六稍減二十左右領軍衛將軍二人檢校並騎穰稍四逐隊

皆有都尉二人分領第一第三各以左右領軍

衛第五以左右威衛第七以左右武衛第九以

衛

左右驍衛第十二以左右衛並折衝第二第四各
 以左右領軍衛第六以左右威衛第八以左右武
 衛第十以左右驍衛第十二以左右衛並果毅內
 有鷓鴣玉馬三角獸黃麾飛麟馱鸞麟馴象玉
 兔辟邪等旗各二以序居都尉之後逐隊有弓矢
 刀楯相間各六十人居旗之後法駕止十隊每隊
 弓矢各減二十
 次前部黃鉞麾仗絳引幡二十下分六部第一第
 二左右領軍衛第三左右威衛第四左右武衛
 第五左右驍衛第六左右衛諸部各有殿中侍

御史兩負本衛大將軍一人檢校本衛折衝都
 尉二人分領又各有帥兵官二十人龍頭竿六
 重重各二十揭鼓三重重各二儀鎧五色幡小
 戟稍各一重重各二十弓矢二重重各二十弓
 矢二重重各二十朱綠滕絡盾并刀二重重二
 十法駕三五部絳引幡帥兵官龍頭
 竿幡戟弓矢盾刀稍並減六次青龍白
 虎旗各一左右衛果毅都尉二人分押旗及七
 十騎弩八矢二十二稍四十法駕減後騎三十
 弩減二弓矢減八
 稍減十次班劍儀刀隊並騎左右衛將軍二人分

領次郎將二十四人。次左右親衛勳衛各四人。每衛班劍二百二十人。諸翊衛左右衛六人。領儀刀四百八人。左右驍騎六人。領儀刀一百三十六人。左右武衛六。左右威衛六。左右領軍衛六。左右金吾衛六。各居隊外。法駕親勳衛班劍減八十四人。翊衛儀刀減一百三十二人。增左右次親勳散手驍衛四。儀刀九十二人。左右次親勳散手驍衛翊衛隊並騎。左右衛供奉中郎將四人分領。親勳翊衛四十八人。左右衛郎將二人分領。散手翊衛六十人。左右驍衛郎將二人分領。驍衛

翊衛五十六人。法駕親勳減十六。散手次左右驍衛各減二十人。驍衛翊衛三隊並騎。各有二人分領。第一本衛大將軍。第二本衛將軍。第三本衛郎將。花鳳飛黃吉利旗各二。分為三隊。逐隊弩十。弓矢三十。稍四十。法駕減四。弓矢稍俱各減半。次夾轂隊。凡六逐隊。都尉二人。檢校第一。第四。左右衛折衝第二。第三。第五。第六。並左右衛果毅。逐隊刀盾各六十人。內第一第四有寶符旗。法駕各減刀楯二十。次捧日隊。逐隊引一人。押二人。長行侍殿二十八人。旗頭三

人。槍手五人。弓箭手二十人。左右廂天武約欄各一百五十五人。法駕同。次後部黃麾仗。分六部。左右衛。左右驍衛。左右武衛。左右威衛。左右領軍衛。部內殿中侍御史。大將軍。都尉。帥。兵官。絳引幡。龍頭竿等。並同前部。法駕減第六部。絳引幡減六。次步甲後隊。凡十二。皆都尉二人分領。第一。以左右衛第三。以左右驍衛第五。以左右武衛第七。以左右威衛第九。第十一。各以左右領軍衛。以上並果毅。其第二。則以左右衛第四。則以左右

驍衛第六。則以左右武衛第八。以左右威衛第十。第十二。各以左右領軍衛。以上並折衝。內有貔。鷓。仙。鹿。金。鸚。鵠。瑞。麥。孔雀。野馬。羗牛。甘露。網子。祥光。翔鶴等旗各二。序居都尉之後。逐隊有弓矢刀楯相間。各六十人。居旗之後。止十隊。次後部馬隊。凡十二。皆以都尉二人分領。第一。第二。各左右衛。第五。第六。第七。各以左右領軍衛。並折衝。第三。第四。各以左右驍衛。第八。第九。各以左右威衛。並果毅。內有角端。赤熊。兕。天下

太平馴犀鷄鷄鷓鴣駟牙蒼烏白狼龍馬金牛等
 旗各二。序居都尉之後。每隊弩十。弓矢二十。稍
 四十。法駕止二十隊。弩減四。以上鹵簿。凡門有
 弓矢減六。稍減十二。
 六。中道之門二。第一門居日月合璧旗之後。法
 駕
 居龍輝之後。第二門居掩後隊之後。法
 駕
 牙門旗四。監門校尉六人。左右道之門四。第一
 居步甲前隊第六隊之後。第二居第十二隊之
 後。第三居夾轂隊之後。第四居步甲後隊第六
 隊之後。法
 駕
 各有監門校尉四人。小駕減大駕

六引。及象。未。革。輅。五副輅。小輿。小輦。又減指南
 記里。白鷺。鸞。旗。宗。德。皮。軒。耕。根。進。賢。明。遠。黃。鉞。
 豹尾。屬車等十一車。餘並減大駕之半。其六引
 服飾。襍稍。左右金吾將軍。則金銅甲冑。披膊。解
 結錐。左右金吾衛仗司。則花脚幘頭。碧羅襖。紫
 綠羅袍。金銅帶。儀刀。烏皮履。執儀仗者。則或幘
 頭。或武弁。或平巾幘。或錦帽。並鸞鳳抹額。錦
 蛇。銅革帶。或紫緋羅繡袍。或紫紬寬衫。或緋紬
 袍。或青羅黃紬銀褐。緋皂寸紬寶相花衫。駕前

殿前指揮使則細甲。方勝練鵲衫。綠羅甲。弓箭
銀劍。蒜瓣朶紅紫羅帶。殿前左右班。則粉青緋
紫三色大搭纈羅衫。長入祗候。則合色頭須鍍
金帽環。青紅二色羅衫。殿侍則紫羅印皂斜搭
衫。執紅拂扇。及御龍直執從物等人。則珠中。方
勝鵲衫。行門則金銀甲。方勝鵲衫。金束帶。珠帽。
銀骨朶。內押行門。則纏枝花袍。御龍直。則黃獅
子。白獅子衫。長門。則方勝鵲衫。內殿直以下亦
如之。殿前指揮使。編排禁衛等人。則紫羅皂花

衫。駕頭篋扇下天武等人。則白獅子衫。東西班
樂人。則紫帽束帶。弓箭班。則幘頭束帶。親從圍
子手。及行宮殿門中道左右。則帽子鍍金束帶。
其衫皆以白獅子。餘並方勝練鵲。指揮使。則以
御仙花都虞候。則以簇四金鷗。控馬親從。則以
青蓮錦。執燭籠親從。則以寶相花。從駕親從。則
並以白獅子花。控御馬人。則執七寶百節鞭。錦
衫。皂紗帽。金鍍銀獅帶。禁衛班直人等。則以緋
綠羅紅盤鷗背子。每大祀。命大禮禮儀儀仗。鹵

大明集禮 卷四十五
簿。橋道頓遞五使。鹵簿使專掌定字圖。排列儀仗使糾督之。大禮及餘使同案閱。致齋日巡仗。又命殿前大校管勾捧日奉宸隊。及執仗人。諸司使副三員同押儀仗。別三員編排道駕。凡車輅。太僕寺主之。輦。繖。扇。御馬。殿中省主之。燾。稍。十六乘。引駕。細仗。牙門。金吾主之。槍杖。六軍主之。寶案。門下省主之。編漏。司天臺主之。鼓吹。太常鼓吹署主之。旗器。名物。衣冠。幟。蓋。錦繡等飾。朝服。法物。庫出焉。甲弩。弓箭。軍器。庫出焉。戎裝。

器仗。內弓箭庫出焉。唯六引導駕。太僕卿。千牛將軍。殿中侍御史。司天監。少監。府佐。僚佐。局官。乘黃令。大將軍。金吾上將軍。將軍。六統軍。並京朝官。諸司使副。已下攝事。其仗內。悉以禁軍諸班直。捧日。天武。拱聖。神勇。宣武。驍騎。驍勝。寧朔。虎翼。充。大將軍。將軍。以軍主。都虞候。攝事。中郎將。郎將。都尉。以指揮使。副指揮使。攝事。總二萬六十一人。法駕。減太常卿。司徒。兵部尚書。白鷺車。崇德車。大輦。五副輅。進賢車。明遠車。又減屬

車四。餘並三分減一。鑾駕。又減縣令州牧御史大夫指南車。記里車。鸞旗車。皮軒車。象輅。小輅。木輅。耕根車。羊車。黃鉞車。豹尾車。屬車。小輦。小輿。餘並減半。本名小駕。大中祥符元年六月。改今名。車駕省。方還京。用兵部黃麾仗。太常鼓吹。太僕寺金玉輅。殿中省大輦。自餘或用或否。其制無定。然減於鸞駕。

元

宗天鹵簿。中道頓遞隊象六。飾以金裘蓮座香

寶鞍。鞞鞦。纒。斨。勒。犂牛尾拂。跋塵。鈹具。導者六人。馭者南越軍六人。皆弓花角唐帽。緋紵。銷金襖衫。鍍束帶。烏鞞。橫列而前行。次駝鼓九。飾以鍍金鈹具。纒飾。斨籠旗鼓纓槍。馭者九人。服同。馭象者中道相次而行。次舍人二人。四品服。騎分左右。夾駝而行。次青衣二人。武弁。青絕衫。青勒帛。青鞞。執青杖。次清道官四人。本品服。騎。次信幡二。執香者二人。引護者四人。武弁。黃絕。生色寶相花袍。黃勒帛。黃鞞。次騾鼓六。飾騾以鍍

金鉸具轡。厨籠旗鼓纓槍。馭者六人。服同馭。駝者。次告止。幡二。執者二人。引護者四人。武弁。緋絁生色寶相花袍。紅勒帛。紅鞞。次傳教。幡二。執者二人。引護者四人。武弁。黃絁生色寶相花袍。黃勒帛。黃鞞。並分左右。次橋道。頓遞使一人。本品服。騎中道舍人。清道官。橋道。頓遞使。從者凡七人。錦帽。紫袷衫。小銀束帶。行滕鞋襪。後凡從者之服。一皆同此。次燾。稍金。吾將軍二人。交角幘頭。緋羅繡抹額。紫羅繡辟邪。兩襠。紅錦襯袍。錦滕蛇。金帶。

烏靴。橫刀。佩符。騎分左右。次弩。而騎者五人。錦帽。青絁生色寶相花袍。銅帶。綠雲鞞。次稍。而騎者五人。錦帽。緋絁生色寶相花袍。銅帶。朱雲鞞。次燾。一。執者一人。夾者四人。護者二人。皆錦帽。紫生色寶相花袍。鍍金帶。紫雲鞞。押導官二人。皆騎。本品服。次馬鼓。四。飾如騾鼓。馭者四人。服同馭。騾。次佩弓矢。而騎者五人。服同執。弩者。押衙四人。騎而佩劍。錦帽。紫絁生色寶相花袍。鍍金帶。雲頭鞞。裸。稍四人。騎。錦帽。緋絁生色寶相

花袍。銅帶。朱鞞。控馬八人。錦帽。紫衫。銀帶。烏鞞。次稍而騎者五人。服佩同執弩者。金吾上將軍押纛官從者四人。服同前隊。次朱雀隊舍人一人。四品服。騎而前。次朱雀旗一。執者一人。引護者四人。錦帽。緋絕。生色鳳花袍。銅帶。朱雲鞞。皆佩劍而騎。護者加弓矢。次金吾折衝一人。交角幟頭。緋絕。繡抹額。紫羅繡辟邪。兩襠。紅錦襯袍。金帶。錦騰蛇。烏鞞。橫刀。佩金帶。錦騰蛇。烏靴。橫刀。佩弓矢而騎。帥甲騎凡二十有五。弩五人。次弓五人。次稍五人。次弓五

人。次稍五人。皆冠甲騎冠。朱畫甲。青勒甲。條鍍金環。白繡汗騰。束帶。紅鞞。帶弓箭器仗。馬皆朱甲。具裝珂飾全。舍人金吾折衝從者凡二人。服同前隊。次十二旗隊。舍人一人。四品服。騎而前。金吾果毅二人。交角幟頭。緋羅繡抹額。紫羅繡辟邪。兩襠。紅錦襯袍。金帶。錦騰蛇。烏鞞。橫刀。佩弓矢。騎分左右。帥引旗騎士五。皆錦帽。黃生色寶相花袍。銀帶。烏鞞。次風伯旗左。雨師旗右。雷公旗左。電母旗右。執者四人。騎青甲騎冠。綠甲。

青勒甲條。鍍金環。白繡汗胯。束帶。青雲韉。馬皆
青甲。珂飾。次五星旗五。執者五人。甲騎冠。五色
畫甲。青勒甲條。鍍金環。白繡汗胯。束帶。五色韉。
馬甲如其甲之色。珂飾。次北斗旗一。執者一人。
甲騎冠。紫畫甲。青勒甲條。鍍金環。白繡汗胯。束
帶。紫雲韉。馬甲隨其甲之色。珂飾。左右攝提旗
二。執者二人。甲騎冠。朱畫甲。青勒甲條。鍍金環。
白繡胯。束帶。紅雲韉。馬朱甲。珂飾。執副竿者二
人。騎。錦帽。黃生色寶相花袍。銀帶。烏靴。執稍而

護者五人。騎服同。執副竿者。舍人。金吾果毅從
者。凡三人。服同前隊。次門旗隊。舍人二人。四品
服。監門將軍二人。皆交角幘頭。緋絕繡抹額。紫
羅繡獅子柄襠。紅錦襯袍。金帶。烏韉。橫刀。佩弓
矢。騎馬甲。珂飾。全次門旗二。執者二人。錦帽。緋
絕生色獅子文袍。銅革帶。紅雲韉。劍而騎。引護
者四人。服佩同。執人而加弓矢騎。次監門校尉
二人。騎服佩同。監門將軍。分左右行。次鸞旗一。
執者一人。引護者四人。錦帽。五色絕生色瑞鸞

花袍束帶。五色雲鞞。佩劍。護人加弓矢。皆騎。舍人。監門將軍。監門校尉。從者凡六人。服同前隊。次雲和樂。雲和署令二人。朝服。騎分左右。引前行。凡十有六人。戲竹二。排簫四。簫管二。龍笛二。板二。歌工四。皆展角花幘。頭紫絁。生色雲花袍。鍍金帶。紫鞞。琵琶二十。箏十有六。篳篥十有六。簫十有六。方響八。頭管二十有八。龍笛二十有八。以上工百三十有二人。皆花幘。頭緋絁。生色雲花袍。鍍金帶。朱鞞。次杖鼓三十。工人花幘。頭

黃生色花襖。紅生色花襖。紅生色花袍。錦臂鞞。鍍金帶。烏鞞。次板八。工人服色同琵琶。工人大鼓二。工十人。服色同杖鼓。工人雲和署令從者二人。服同前隊。次殿中黃麾隊。舍人二人。四品服。殿中侍御史二人。本品服。皆騎。次黃麾一執者一人。夾者二人。騎。武士緋絁。生色寶相花袍。紅勒帛。紅雲鞞。舍人殿中侍御史從者凡四人。服同前隊。次太史鉦鼓隊。太史一人。本品服。騎。引交龍桐鼓左。金鉦右。昇四人。工二人。皆武士。

緋純生色寶相花袍紅勒帛紅鞞次司辰郎一人左典事一人右並四品服騎太史司辰郎典事從者三人服同前隊次武衛釵戟隊武衛將軍一人交角幘頭緋羅繡抹額紫羅繡瑞鷹兩襖紅錦襯袍錦騰蛇金帶橫刀騎領五色繡旛一。金節八。罕右畢左朱雀青龍白虎幢三橫布導蓋一。中道叉四武衛果毅二人服佩同武衛將軍釵二十戟二十徒五十有九人武弁緋純生色寶相花袍紅勒帛紅鞞武衛將軍武衛果

毅從者凡三人服同前隊次龍墀旗隊舍人二人四品服中郎將二人服佩同釵戟隊武衛將軍騎分左右帥騎士凡二十有四人執旗者八人天下太平旗中道中岳帝旗左中央神旗右次日旗左月旗右次祥雲旗二分左右次皇帝萬歲旗中道執人皆黃純巾黃純生色寶相花袍黃勒帛黃雲鞞橫刀引者八人青純巾青純生色寶相花袍青勒帛青雲鞞橫刀執弓矢護者八人緋純巾緋純生色寶相花袍紅勒帛紅

雲韉。橫刀。執弓矢。舍人中郎將從者凡四人。服同前隊。次御馬隊。舍人二人。四品服。引左右衛將軍二人。緋羅繡抹額。紫羅繡瑞馬。兩襠。紅錦襯袍。錦螭蛇。金帶。烏靴。橫刀。皆騎分左右行。御馬十有二疋。分左右。飾以纓轡。鞍複。馭士控鶴二十有四人。交角金花幘頭。紅錦控鶴襖。金束帶。鞞鞋。次尚乘奉御二人。四品服。騎分左右行。舍人左右衛將軍從者四人。服同前隊。次拱衛控鶴第一隊。拱衛指揮使二人。本品服。騎分左

右。帥步士凡二百五十有二人。負劍者三十人。次執梧杖者五十人。次執斧者五十人。次執鐙杖者六十人。次執列絲骨朶者三十人。皆分左右。右次携金水瓶者一人。左次執金盆者一人。右次執列絲骨朶者三十人。分左右。皆金縷額。交角幘頭。青質絲控鶴襖。塗金荔枝束帶。鞞鞋。拱衛指揮使從者二人。服同前隊。次安和樂。安和署令二人。本品服。騎分左右行。領押職二人。弓角鳳翅金花幘頭。紅質絲加欄袍。金束帶。花韉。

次扎鼓八。為二重。次和鼓一。中道。次板二。次龍
笛四。次頭管二。次羌笛二。次笙二。次簫二。左右
行。次雲璈一。中道。工二十有四人。皆弓角鳳翅
金花幘頭。紅錦質孫襖。金荔枝束帶。花鞞。從者
二人。服同前隊。次金吾。援寶隊。舍人二人。四品
服。引金吾將軍二人。交角幘頭。緋羅繡抹額。紫
羅繡辟邪衲褱。紅錦襯袍。錦騰蛇。橫刀佩弓矢。
皆騎。分左右。前引駕十二重。甲士一十二騎。弩
四。次弓四。次稍四。為三重。次香案二。金爐合各

二。分左右。昇士十有六人。侍香二人。騎而從。次
典瑞使二人。本品服。騎而左右。引八寶。受命寶
左。傳國寶右。次天子之寶左。皇帝之寶右。次天
子行寶左。皇帝行寶右。次天子信寶左。皇帝信
寶右。每輿寶盃。銷金蒙複。襯複。案輿紅銷金衣。
龍頭竿結綬。昇士八人。朱團扇四人。凡九十有
六人。皆交角金花幘頭。青紅錦質孫襖。每輿前
青後紅。金束帶。鞵鞋。援寶三十人。交角幘頭。鞞。
執金縷黑杖。次符寶郎二人。四品服。騎分左右。

次金吾果毅二人。服佩同金吾將軍。騎分左右。次稍四人。次弓四人。次弩四人。為三重。舍人。金吾將軍侍香典瑞使符寶郎。金吾果毅從者凡十有二人。服同前隊。次殿中繖扇隊。舍人二人。四品服。騎分左右。領騎而執旗者四人。日月合璧旗左。五星連珠旗右。次金龍旗左。金鳳旗右。黃絕巾。黃絕生色寶相花袍。黃勒帛。黃鞞。佩劍。騎而引旗者四人。青絕巾。青絕生色寶相花袍。青勒帛。青鞞。佩劍。執弓矢。騎而護旗者四人。紅

絕巾。紅絕生色寶相花袍。紅勒帛。紅鞞。佩劍。執弓矢。次朱團扇十有六。次小雉扇八。次中雉扇八。次大雉扇八。為十重重。四人。次曲蓋二。紅方繖二。次紫方繖二。次華蓋二。次大繖二。執者五十人。武弁。紅絕生色寶相花袍。紅勒帛。紅鞞。舍人從者二人。服同前隊。次控鶴圍子隊。圍子頭一人。執骨朶。由中道交角幪頭。緋錦質孫襖。鍍金荔枝帶。鞞鞋。次朱繖。中道。次金脚踏左。金椅右。服如圍子頭。拱衛指揮使一人。本品服。騎中

大明集禮 卷四十五 三十五
道控鶴二十八人。服同上。拱衛指揮使從者二人。服同前隊。天樂一部。天樂署令二人。本品服。騎分左右。領押職二人。弓脚鳳翅金花幟頭。紅錦質孫襖。加欄。金束帶花鞞。次琵琶二。箏篪二。火不思二。板一。箏二。胡琴二。笙二。頭管二。龍笛二。響鐵一。工十有八人。徒二人。皆弓角鳳翅金花幟頭。紅錦質孫襖。鍍金束帶花鞞。次控鶴第一隊。僉拱衛司事二人。本品服。騎分左右。帥步士凡七十有四人。執立瓜者三十有六人。分左

右。次捧金杙一人。左。鞭桶一人。右。次蒙鞍一人。左。散手一人。右。次執立瓜者三十有四人。分左右。皆交角金花幟頭。緋錦質孫襖。鍍金荔枝帶。鞞鞋。僉拱衛司事從者二人。服同前隊。次殿中導從隊舍人二人。四品服。騎分左右。引香鐙案一。黃銷金盤龍衣。金爐合。結綬龍頭竿。昇者十人。交角金花幟頭。紅錦質孫控鶴襖。鍍金束帶。鞞鞋。侍香二人。騎分左右。次警蹕三人。交角幟頭。紫窄袖衫。鍍金束帶。烏靴。次舍人二人。四

品服騎引天武官二人。執金鉞。金鳳翅兜牟。金鎖甲。青勒甲條。金環。繡汗胯。金束帶。馬珂飾。次金骨朶二。次幢二。次節二。分左右。次金水盆左。金椅右。次蒙複左。副執椅右。次金水瓶。鹿盧左。銷金淨巾右。次金香毬二。金香合二。分左右。次金唾壺左。金唾盃右。金拂四。扇十。分左右。次黃繖。中道繖衣。從凡騎士三十人。服如警蹕。加白繡汗胯。步卒四人。執椅二人。蒙複一人。繖衣一人。服如昇者。香鐙徒舍人。天武官從者凡六人。

服同前隊。次控鶴第三隊。拱衛直鈐轄二人。本品服騎引執卧瓜八十人。服如第二隊。次導駕官。引進使二人。分左右前行。次給事中一人左。起居注一人右。次侍御史一人左。殿中侍御史一人右。次翰林學士一人左。集賢學士一人右。次御史中丞一人左。同知樞密院事一人右。次御史大夫一人左。知樞密院事一人右。次侍儀司使四人。中書侍郎二人。黃門侍郎二人。侍中二人。皆分左右。次儀仗使一人左。鹵簿使一人

右次禮儀使二人。分左右持劈正斧一人。中道。次大禮使一人左。太尉一人右。皆本品服。騎從者三十人。惟執劈正斧官從者二人。服同前隊。次羽林宿衛舍人二人。四品服。前行。次羽林將軍二人。交角幞頭。緋羅繡抹額。紫羅繡瑞鷹。襖。襖。紅錦襯袍。錦騰蛇。金帶。烏鞞。橫刀。佩弓矢。皆騎分左右。領宿衛騎士二十人。執骨朶六人。次執短戟六人。次執斧八人。皆弓角金鳳翅幞頭。紫繡細摺。線襖。束帶。烏鞞。橫刀。舍人羽林將

軍從者凡四人。服同前隊。次檢校官

分中道之外。外仗之

內。頓遞隊。監察御史二人。本品服。次熏稍隊。循

杖檢校官二人。次朱雀隊。金吾中郎將二人。皆

交角幞頭。緋羅繡抹額。紫羅繡辟邪。襖。襖。紅錦

襯袍。錦騰蛇。金帶。烏鞞。佩儀刀。加弓矢。次十二

旗隊。兵部侍郎二人。本品服。次門旗隊。糾察儀

仗官二人。本品服。次雲和樂部。金吾將軍二人。

服。佩如金吾中郎將。知隊仗官二人。本品服。次

武衛。鈇戟隊。監察御史二人。本品服。次外道左

大明集禮 卷四十五
右牙門巡仗監門中郎將二人。交角幟頭。緋羅繡抹額。紫羅繡師子兩襠。紅錦襯袍。錦騰蛇。金帶。烏鞞。佩儀刀弓矢。次金吾援寶隊。兵部尚書二人。次循仗檢校官二人。次殿中繖扇隊。監察御史二人。次禮部尚書二人。皆本品服。次圍子隊。知仗官二人。次金吾大將軍二人。服同金吾將軍。各襮稍從。次殿中導從隊。糾察儀仗官二人。次循仗檢校官二人。次羽林宿衛隊。左點檢一人。右點校一人。右紫羅繡瑞麟兩襠。餘同。

金吾大將軍領大黃龍負圖旗二。執者二人。夾者八人。騎錦帽。五色純巾。五色純生色雲龍袍。塗金束帶。五色雲鞞。佩劍夾者加弓矢。並行中道。控鶴外。仗內前後檢校內知班六人。展角幟頭。紫窄衫。塗金束帶。烏鞞。承奉班都知一人。太常博士一人。皆朝服。騎同檢校官。前後巡察宿直將軍八人。服佩同左右點校。夾路檢校三衛。陪輅隊。誕馬二疋。珂飾纓轡。青屣。乘黃令二人。本品服。分左右。次殿前將軍二人。交角幟頭。

緋羅繡抹額紫羅繡辟邪衲襠紅錦襯袍錦騰
 蛇金帶烏鞞橫刀騎玉輅太僕卿馭本品服千
 牛大將軍駮乘交角幟頭紅抹額繡瑞牛衲襠
 紅錦襯袍錦騰蛇金帶烏鞞橫刀左右衛將軍
 服如千牛大將軍惟衲襠繡瑞虎陪輅輅馬六
 匹珂飾纓轡青毳牽套鞞帶步卒凡八十有二
 人馭士四人駕士六十有四人行馬二人踏道
 八人推竿二人托叉一人梯一人皆平巾幘青
 繡雲龍花袍塗金束帶青鞞輅將軍二人金鳳

翅兜牟金鎖甲條環繡汗膝金束帶綠雲花鞞
 青瀝水扇二次千牛備身二人皆分左右交角
 幟頭緋羅繡抹額紫羅繡瑞牛衲襠繡錦襯袍
 金帶烏鞞橫刀佩弓矢獻官二人殿中監六人
 內侍十人皆本品朝服騎分左右千牛備身後
 騎而執弓矢者十人尚衣奉御四人尚食奉御
 二人尚藥奉御二人皆騎本品服次腰輿黃紵
 絲銷金雲龍蒙複步卒凡十有三人舁八人道
 扇四人黃繖一人皆交角金花幟頭紅質孫控

鶴襖。金束帶。鞞鞋。尚舍奉御二人。騎左。尚輦奉御二人。騎右。皆朝服。從者三十有四人。服同前隊。次大神牙門旗隊。都點檢一人。騎。交角幟頭。緋羅繡抹額。紫羅繡瑞麟襖。紅錦襯袍。次監門大將軍二人。分左右。騎。服如都點檢。惟襖。紫繡獅子文門。凡三重。親衛郎將帥甲士分左右。夾輅而陣。繞出輅後。合執斃者二。為第一門。翊衛郎將帥護尉夾親衛而陣。繞出輅後。合為第二門。監門校尉二人。騎。左右衛大將軍帥甲

士執五色龍鳳旗。夾護尉而陣。繞出輅後。合牙門旗二。為第三門。監門校尉二人。主之。服色詳見外仗。次雲和樂後部。雲和署丞二人。本品服。騎分左右。領前戲竹二。排簫二。簫管二。歌工二。凡十人。皆騎。花幟頭。紫純生色花袍。塗金帶。烏鞞。次琵琶四。箏四。篳篥四。箏四。頭管六。方響二。龍笛六。杖鼓十。工四十人。皆騎。服同上。惟純色紅。從者二人。服同前隊。後黃麾隊。玄武幢一。絳麾二。徒三人。皆武弁。紫純生色龜雲花袍。紫羅

勒帛紫鞞。次黃麾。執者一人。夾者二人。皆騎。武弁。紫生色寶相花袍。紫勒帛。紫鞞。次玄武黑甲。掩後隊。金吾將軍一人。騎中道。交角幟。頭緋羅抹額。紫羅繡辟邪衲。紅錦襯袍。金帶。錦騰蛇烏鞞。佩刀。後衛指揮使二人。騎分左右。服同。各衛指揮使帥甲騎五十有七人。玄武旗一。執者一人。夾者二人。小金龍鳳黑旗二。執者二人。皆黑兜牟。金飾。黑甲。條環汗膊。束帶。鞞。帶弓矢器仗。馬黑。金色獅子甲。珂飾。稍四十人。弩十人。黑

兜牟。黑甲。條環汗膊。束帶。鞞。帶弓矢器仗。馬黑甲。珂飾。執衛司。獐稍二人。錦帽。紫生色辟邪文袍。鍍金帶。烏鞞。從者三人。服同前隊。次金鼓隊。金鼓旗二。執者二人。引護者八人。皆五色絕巾。生色寶相花五色袍。五色勒帛。鞞。佩劍。引護者加弓矢。分左右。次折衝都尉二人。交角幟。頭緋羅繡抹額。紫羅繡辟邪衲。紅錦襯袍。金帶。錦騰蛇。騎帥步士凡百二十八人。鼓二十四人。鉦二十四人。並黃絕巾。黃絕生色寶相花袍。黃勒

大司集禮 卷四十五 四十二
帛黃鞞角二十四人。紅絕巾。紅絕生色寶相花
袍。紅勒帛。紅鞞車輻棒二十四人。長刀二十四
人。並金飾青兜牟。青甲條環。白繡汗騰束帶。青
雲鞞。清游隊舍人二人。四品服。騎導。金吾折衝
二人。交角幪頭。緋羅繡抹額。紫羅繡辟邪。兩襠
紅錦襯袍。金帶。錦騰蛇。橫刀。佩弓矢。騎分左右。
帥步士百有十人。白澤旗二。執者二人。引護者
八人。次執弩二十人。次執稍二十人。次執弓二
十人。次執弓二十人。皆甲騎冠。金飾綠畫甲。條

環。白繡汗騰束帶。綠雲鞞。佩弓矢器仗。馬金飾
朱畫甲。珂飾。分左右。次。伙飛隊。鐵甲。伙飛。執稍
者十有二人。甲騎冠。鍍甲。佩弓矢器仗。馬。鍍甲
珂飾。次。金吾果毅二人。交角幪頭。緋羅繡抹額。
紫羅繡辟邪。兩襠。紅錦襯袍。金帶。錦騰蛇。橫刀
佩弓矢。騎。次。虞候。伙飛。執弩二十人。錦帽。紅生
色寶相花袍。塗金帶。烏鞞。次。及仗隊。領軍將軍
二人。交角幪頭。緋絕繡抹額。紫羅繡。白澤兩襠。
紅錦襯袍。金帶。錦騰蛇。烏鞞。橫刀。騎。帥步士五

十人。執及二十五人。執义二十五人。錯分左右。皆五色純生色巾。寶相花五色袍。五色勒帛。五色雲頭鞞。領軍將軍從者二人。錦帽。紫袷衫。小銀束帶。行滕鞋襪。次諸衛馬前隊。舍人二人。四品服。騎導左右。衛郎將二人。交角幪頭。緋絕繡抹額。紫繡瑞馬。兩襠。紅錦襯袍。金帶。錦騰蛇。烏鞞。橫刀。佩弓矢。騎分左右。帥騎士百五十有六人。前辟邪旗左。應龍旗右。次玉馬旗左。三角旗右。次黃龍負圖旗左。黃鹿旗右。次飛麟旗左。駃

駃旗右。次鸞旗左。鳳旗右。次飛黃旗左。麒麟旗右。執旗十有二人。生色黃袍。巾勒帛。鞞。引旗十有二人。服同執人。惟袍色青。護旗十有二人。生色紅袍。巾勒帛。鞞。執弓十六人。錦帽。青生色寶相花袍。塗金帶。烏鞞。執稍六十人。服如執弓者。惟袍色紅。每旗弓五稍五。從者四人。服同前隊。次二十八宿前隊。舍人二人。四品服。騎導。領軍將軍二人。紫羅繡白澤。兩襠。餘如前隊。左右衛郎將皆騎。帥步士百十有二人。前井宿旗左。參

宿旗右。各五盾從。次鬼宿旗左。觜宿旗右。各五
弓從。次柳宿旗左。畢宿旗右。各五。積從。次星宿
旗左。昴宿旗右。各五盾從。次張宿旗左。胃宿旗
右。各五弓從。次翼宿旗左。婁宿旗右。各五。積從。
次軫宿旗左。奎宿旗右。各五盾從。執旗十四人。
生色黃袍。巾勒帛鞞。引旗十有四人。服如執人。
惟袍。巾色青。護旗十有四人。服如執人。惟袍。巾
色青。護旗十有四人。服如執人。惟袍。巾色紅。執
刀盾者三十人。弓矢者二十人。積者二十人。皆

五色兜牟。甲條環白繡。汗膊束帶。五色雲鞞。舍
人領軍將軍從者四人。服同前隊。次領軍黃麾
仗前隊。舍人二人。四品服。騎導。領軍將軍二人。
服如二十八宿旗隊。領軍將軍騎分左右。帥步
士凡百五十人。絳引幡十。次龍頭竿繡鞞。皆分
左右。次江瀆旗左。濟瀆旗右。次小戟十。次弓十。
皆分左右。次南方神旗左。西方神旗右。次鍠十。
次綠滕絡盾加刀十。皆分左右。次南岳帝旗左。
西岳帝旗右。次龍頭竿鞞十。次朱滕絡盾加刀

十。皆分左右。次南天王旗左。西天王旗右。次小
 戟十。次弓十。皆分左右。次龍君旗左。虎君旗右。
 次鎧十。次綠滕絡盾加弓十。皆分左右。執人一
 百三十人。武弁五色寶相花袍。勒帛。鞞。引旗十
 人。青生色寶相花袍。勒帛。鞞。護旗十人。服同。惟
 袍巾色紅。次及仗後隊。領軍將軍二人。騎帥步
 士凡五十人。及二十有五。又二十五。錯分左右。
 服佩同前隊。次左右牙門旗隊。監門將軍二人。
 騎紫繡獅子。衲襠。餘如及仗隊。領軍將軍之服。

佩。次牙門旗四。每旗執者一人。引夾者二人。並
 黃純巾。黃純生色寶相花袍。黃勒帛。黃雲鞞。皆
 騎。次監門校尉二人。駟服佩同監門將軍。從者
 四人。服同前隊。次左右青龍白虎隊。舍人二人。
 四品服。騎導。領軍將軍二人。服佩同及仗隊之
 領軍將軍。騎分左右。帥甲士凡五十有六人。騎。
 青龍旗左。執者一人。夾者二人。從以執弩五人。
 弓十人。稍十人。皆冠青甲。騎冠。青鍬甲。青條金
 環。束帶。白繡汗膊。青雲鞞。白虎旗右。執者一人。

夾者二人。後以執弩五人。弓十人。稍十人。皆冠白甲騎冠。白鍔甲。青條金環。束帶。白繡汗膝。白雲鞞。舍人領軍將軍從者四人。服同前隊。次二十八宿後隊。舍人二人。四品服。騎導領軍將軍騎分左右。帥步甲士百十有二人。角宿旗左。壁宿旗右。從以執弓者五人。次亢宿旗左。室宿旗右。各從以執盾者五人。次房宿旗左。虛宿旗右。各從以執弓者五人。次心宿旗左。女宿旗右。各從

以執殳者五人。次尾宿旗左。牛宿旗右。各從以執盾者五人。次箕宿旗左。斗宿旗右。各從以執弓者五人。舍人領軍將軍從者四人。執夾引從。服佩皆同前隊。次諸衛馬後隊。舍人二人。四品服。騎導左右衛果毅都尉二人。騎分左右。帥衛士百五十六人。角端旗左。赤熊旗右。次兕旗左。太平旗右。次驪騮旗左。騶牙旗右。次犀牛旗左。鷄鶡旗右。次蒼烏旗左。白狼旗右。次龍馬旗左。金牛旗右。舍人左右衛果毅都尉從者四人。執

夾引後。服佩同前隊。次左右領軍黃麾後隊。舍人二人。四品服。騎導。領軍將軍二人。騎分左右。帥步士百六十人。龍頭竿十。次朱滕絡盾加刀十。皆分左右。次吏兵旗右。次小戟十。次弓十。皆分左右。次東天王旗左。北天王旗右。次鎧十。次綠滕絡盾加刀十。皆分左右。次東方神旗左。北方神旗右。次小戟十。次弓十。皆分左右。淮瀆旗右。次鎧十。次綠滕絡盾加刀十。皆分左右。次絳引旛十。分左右掩後。舍人領軍將軍從者四人。

執夾服佩同前隊。左右衛儀刀班劍隊。舍人二人。四品服。騎導左右衛中郎將二人。交角幟頭。緋羅繡抹額。紫羅繡瑞馬。襴襠。紅錦襯袍。錦騰蛇。金帶。烏鞞。騎分左右。帥步士凡四十人。班劍二十人。儀刀二十人。並錦帽。紅生色寶相花袍。塗金束帶。烏鞞。舍人左右衛中郎將從者四人。服同前隊。次供奉宿衛步士隊。供奉中郎將二。交角幟頭。緋絕繡抹額。紫羅繡瑞馬。襴襠。紅錦襯袍。錦騰蛇。金帶。烏鞞。橫刀佩弓矢。騎分左右。

大日集禮 卷四十五 四十八
帥步士凡五十有二人。執短戟十有二人。次執
列絲十有二人。次又戟十有二人。次斧十有六
人。分左右。夾玉輅行。皆弓角金鳳翅幟頭紫細
摺辯線襖。塗金束帶。烏鞞。次親衛步甲隊。親衛
郎將二人。服同供奉中郎將。分騎左右。帥步士
凡百四十八人。執龍頭竿。斃四人。次小戟十人。
次斃二人。次儀鎗十人。次斃二人。次小戟十人。
次斃二人。次儀鎗十人。次斃二人。次小戟十人。
次斃二人。次儀鎗十人。次斃二人。次小戟十人。

皆分左右。夾供奉宿衛隊。次斃二人。次儀鎗十
人。次斃二人。次小戟十人。次斃二人。次儀鎗十
人。次斃二人。折繞宿衛隊後。而合其端為門。士
皆金兜牟甲。青勒甲條。金環。綠雲鞞。次翊衛護
尉隊。翊衛郎將二人。服同親衛郎將。騎帥護尉
騎士百有二人。皆交角金花幟頭。窄袖紫衫。紅
銷金汗膊。塗金束帶。烏鞞。執金裝骨朵。分左右。
夾親護隊行。折繞隊後。而合其端為二門。次左
右衛大將軍二人。服如翊衛郎將。騎帥騎士百

大明集禮 卷四十五 四十九
人執青龍旗五人左。青鳳旗五人右。次赤龍旗五人左。赤鳳旗五人右。次黃龍旗五人左。黃鳳旗五人右。次白龍旗五人左。白鳳旗五人右。次黑龍旗五人左。次黑鳳旗五人右。次五色龍旗二十五居左。五色鳳旗二十五居右。曲繞輅後。合牙門旗為第三門。士皆冠甲騎冠。金飾朱畫甲。青勒甲條。鍍金環。白繡汗膊。紅鞞。佩弓矢器仗。馬青金毛獅子甲珂飾。次左衛青甲隊。左衛指揮使二人。騎服紫羅繡雕虎襖襠。餘同左右。

衛大將軍帥騎士三十有八人。執大青龍旗一人左。大青鳳旗一人右。次小青龍旗一人左。小青鳳旗一人右。次大青鳳旗一人左。大青龍旗一人右。每旗從以持青稍者四人。次小青鳳旗一人左。小青龍旗一人右。皆從以持青稍者三人。皆青兜牟。金飾青畫甲。青條塗金環。汗膊。束帶鞞。佩弓矢器仗。馬青金毛獅子甲珂飾。折繞陪門。次前衛赤甲隊。前衛指揮使二人。騎服佩同左衛指揮使。帥騎士凡四十人。執大赤鳳旗

一人左。大赤龍旗一人右。次小赤鳳旗一人左。小赤龍旗一人右。次大赤龍旗一人左。大赤鳳旗一人右。次小赤龍旗一人左。小赤鳳旗一人右。每旗從以持朱稍者四人。次執大赤鳳旗一人左。大赤龍旗一人右。皆從以持朱稍者三人。皆朱兜牟。金飾朱畫甲。條環汗胯。束帶鞞。佩弓矢器仗。馬朱甲珂飾。從者二人。服同前隊。折統陪門。次中衛黃甲隊。中衛指揮使二人。騎服同前衛指揮使。帥騎士凡五十有八人。執大黃龍

旗一人左。大黃鳳旗一人右。次小黃龍旗一人左。小黃鳳旗一人右。次大黃龍旗一人左。大黃鳳旗一人右。每旗從以持黃稍者四人。次小黃龍旗一人左。小黃鳳旗一人右。皆從以持黃稍者三人。皆黃兜牟。金飾黃甲。條環汗胯。束帶鞞。佩弓矢器仗。馬黃珂飾。從者二人。服同前隊。折統陪門。次右衛白甲隊。右衛指揮使二人。騎服同中衛指揮使

帥騎士凡七十有四人。執大白鳳旗一人左。大白龍旗一人右。次小白鳳旗一人左。小白龍旗一人右。次大白鳳旗一人左。大白龍旗一人右。次小白鳳旗一人左。小白龍旗一人右。次大白鳳旗一人左。大白龍旗一人右。次小白鳳旗一人左。小白龍旗一人右。次大白鳳旗一人左。大白龍旗一人右。次小白鳳旗一人左。小白龍旗一人右。次大白鳳旗一人左。大白龍旗一人右。次小白鳳旗一人左。小白龍旗一人右。每旗從以持白稍者四人。次小白鳳旗一人左。

小白龍旗一人右。次大白龍旗一人左。大白鳳旗一人右。皆從以持白稍者五人。皆兜牟。金飾白甲。條環。汗胯束帶。靴。佩弓矢器仗。馬。白甲珂飾。從者二人。服同前隊。折繞陪門。次牙門。四監門中郎將二人。服佩同各衛指揮使。騎分左右。次左衛。次前衛。次中衛。次右衛。牙門旗二。色並赤。監門校尉各二人。騎服佩同各衛之執旗者。從者十人。服同前隊。

大明集禮卷四十五

大明集禮卷四十五

三才